



**O‘ZBEKISTON RESPUBLIKASI**  
**KAMBAG‘ALLIKNI QISQARTIRISH VA BANDLIK VAZIRLIGI**  
**FARG‘ONA VILOYATI KAMBAG‘ALLIKNI QISQARTIRISH VA BANDLIK**  
**BOSH BOSHQARMASI**  
**BUYRUQ**

2024-yil “7” may

A-139-son

Farg‘ona shahri

**Kambag‘allikni qisqartirish va bandlik  
vazirligining 2023-yil 26-maydagi  
90-son buyrug‘ini ijrosini ta‘minlash  
to‘g‘risida**

O‘zbekiston Respublikasi Prezidentining 2022-yil 11-maydagi “Davlat boshqaruvi sohasida korrupsiyaviy xavf-xatarlarni bartaraf etish mexanizmlarini takomillashtirish va ushbu sohada jamoatchilik ishtirokini kengaytirish chora-tadbirlari to‘g‘risida”gi PQ-240-son qarori hamda O‘zbekiston Respublikasi Korrupsiyaga qarshi kurashish agentligi va O‘zbekiston Respublikasi Adliya vazirligining 2022-yil 31-avgustdagi “Davlat hokimiyati va boshqaruv organlari, shu jumladan ularning hududiy bo‘linmalari, davlat unitar korxonalar va muassasalari, davlat ulushi 50 foizdan yuqori tashkilotlar faoliyatida korrupsiyaviy xavf-xatarlarni aniqlash va baholash uslubiyotini tasdiqlash to‘g‘risida”gi qarorini (ro‘yxat raqami: 3383, 2022-yil 31-avgust) hamda Kambag‘allikni qisqartirish va bandlik vazirligining 2023-yil 26-maydagi 90-son buyrug‘ini ijrosini ta‘minlash maqsadida,

**BUYURAMAN:**

1. O‘zbekiston Respublikasi Prezidentining 2022-yil 11-maydagi “Davlat boshqaruvi sohasida korrupsiyaviy xavf-xatarlarni bartaraf etish mexanizmlarini takomillashtirish va ushbu sohada jamoatchilik ishtirokini kengaytirish chora-tadbirlari to‘g‘risida”gi PQ-240-son qarori hamda O‘zbekiston Respublikasi Korrupsiyaga qarshi kurashish agentligi va O‘zbekiston Respublikasi Adliya vazirligining 2022-yil 31-avgustdagi “Davlat hokimiyati va boshqaruv organlari, shu jumladan ularning hududiy bo‘linmalari, davlat unitar korxonalar va muassasalari, davlat ulushi 50 foizdan yuqori tashkilotlar faoliyatida korrupsiyaviy xavf-xatarlarni aniqlash va baholash uslubiyotini tasdiqlash to‘g‘risida”gi qarorini (ro‘yxat raqami: 3383, 2022-yil 31-avgust) hamda

Kambag'allikni qisqartirish va bandlik vazirligining 2023-yil 26-maydagi 90-son buyrug'i ma'lumot va ijro uchun qabul qilinsin.

2. Farg'ona viloyati Kambag'allikni qisqartirish va bandlik bosh boshqarmasi tizimi faoliyatida korrupsiyaviy xavf-xatarlarni aniqlash va baholash uslubiyoti ilovaga muvofiq tasdiqlansin.

3. Mazkur buyruqning ijrosini nazorat qilishni o'z zimmamda qoldiraman.

**Bosh boshqarma boshlig'i**



**M.Saydullayev**

**Kambag‘allikni qisqartirish va bandlik bosh boshqarmasi faoliyatida  
korrupsiyaviy xavf-xatarlarni aniqlash va baholash  
USLUBIYOTI**

Mazkur Uslubiyot O‘zbekiston Respublikasi Kambag‘allikni qisqartirish va bandlik bosh boshqarma, shu jumladan uning tuman (shahar) va tasarrufiy tashkilotlarining (bundan buyon matnda “Bosh boshqarma tizimida” deb yuritiladi) faoliyatida korrupsiyaviy xavf-xatarlarni aniqlash va baholash tartibini belgilaydi.

**1-bob. Umumiy qoidalar**

1. Bosh boshqarma tizimidagi faoliyatida korrupsiyaviy xavf-xatarlarni aniqlash va baholashning maqsadlari quyidagilardan iborat:

Bosh boshqarma tizimining korrupsiyaviy xavf-xatarga eng ko‘p duch keladigan vazifa va funksiyalarini aniqlash hamda korrupsiyaviy xavf-xatar yuqori bo‘lgan lavozimlar ro‘yxatini shakllantirish;

korrupsiyaviy xavf-xatarlarni bartaraf etish bo‘yicha chora-tadbirlarni ishlab chiqish.

2. Korrupsiyaviy xavf-xatarlarni aniqlash va baholash quyidagilar ishlab chiqilishini nazarda tutadi:

korrupsiyaviy xavf-xatarlar xaritasi;

korrupsiyaga qarshi kurashish bo‘yicha dastur;

korrupsiyaviy xavf-xatar yuqori bo‘lgan lavozimlar ro‘yxati;

korrupsiyaga moyil bo‘lgan munosabatlar elektron reyestri.

3. Ushbu Uslubiyotda quyidagi asosiy tushunchalar qo‘llaniladi:

korrupsiyaviy xavf-xatar - shaxsning o‘z mansab yoki xizmat mavqeidan shaxsiy manfaatlarini yoxud o‘zga shaxslarning manfaatlarini ko‘zlab moddiy yoki nomoddiy naf olish maqsadida qonunga xilof ravishda mavjud sabab va sharoitlarda korrupsiyaviy xatti-harakatlarni sodir etish ehtimoli;

korrupsiyaviy xavf-xatarlar xaritasi – davlat tashkiloti faoliyatida amalga oshiriladigan vazifa va funksiyalar (jarayonlar) bilan bog‘liq yuzaga kelishi mumkin bo‘lgan korrupsiyaviy xavf-xatarning tavsifi va darajasi, funksiyalarni (jarayonlarni) tartibga soluvchi mexanizmlar, funksiyalarni (jarayonlarni) amalga oshirishga mas‘ul bo‘lgan lavozim, korrupsiyaviy xavf-xatarlarni bartaraf etish choralari, qoldiq korrupsiyaviy xavf-xatar darajasi, korrupsiyaviy xavf-xatarni bartaraf etish choralarni amalga oshirishga mas‘ul ijrochilarni o‘z ichiga olgan hujjat;

korrupsiyaga oid huquqbuzarlik - korrupsiya alomatlariga ega bo‘lgan, sodir etilganligi uchun qonunchilikda javobgarlik nazarda tutilgan qilmish;

korrupsiyaviy xavf-xatarlarni baholash - davlat tashkilotining faoliyatini (vazifa va funksiyalarini) tahlil qilish, mavjud korrupsiyaviy xavf-xatarlarni aniqlash va ushbu xavf-xatarlar darajasini baholash bo‘yicha faoliyat;

qoldiq xavf-xatar - aniqlangan korrupsiyaviy xavf-xatarni bartaraf etish yuzasidan belgilangan choradan keyin saqlanib qoladigan xavf-xatar;

“Komplayens nazorat” bo‘limi - davlat tashkilotidagi korrupsiyaga qarshi ichki nazorat tuzilma;

ishchi guruh - korrupsiyaga qarshi ichki nazorat tuzilmalari mavjud bo‘lmagan davlat tashkilotlarida korrupsiyaviy xavf-xatarlarni baholash uchun tuziladigan xodimlar tarkibi.

4. Davlat tashkiloti tomonidan korrupsiyaviy xavf-xatarlarni baholash har yili 1-martga qadar amalga oshiriladi.

5. O‘zbekiston Respublikasi Korrupsiyaga qarshi kurashish agentligi tomonidan (bundan buyon matnda Agentlik deb yuritiladi) davlat tashkilotlarining korrupsiyaviy xavf-xatarlarni baholash va bartaraf etish borasidagi faoliyatini takomillashtirish, ushbu yo‘nalishda kamchiliklarning oldini olish bo‘yicha ko‘rsatmalar berilishi mumkin.

### **2-bob. Korrupsiyaviy xavf-xatarlarni aniqlash va baholashni tashkil etish**

6. Korrupsiyaviy xavf-xatarlarni aniqlash va baholashda bosh boshqarma tizimiga kiruvchi barcha tarkibiy va tuman (shahar) bo‘linmalarni qamrab olishi lozim.

Bunda, korrupsiyaviy xavf-xatarlarni aniqlash va baholash Komplaens nazorat bosh mutaxassisi yoki ishchi guruh tomonidan amalga oshiriladi.

7. Ishchi guruh a‘zolari bosh boshqarma tizimi tarkibiy bo‘linmalari rahbarlaridan iborat tarkibda tashkil etiladi.

Bosh boshqarma, tasarrufiy va bosh boshqarma birinchi rahbari tomonidan ishchi guruh tarkibi tasdiqlanadi hamda uning faoliyati muvofiqlashtiriladi.

8. Korrupsiyaviy xavf-xatarlarni aniqlash va baholashda bosh boshqarma apparatining komplaens nazorat bosh mutaxassisi tomonidan quyidagi vazifalar amalga oshiriladi:

korrupsiyaviy xavf-xatarlarni aniqlash va baholash bo‘yicha ishlarni tashkil etish va muvofiqlashtirish;

bosh boshqarma tizimining korrupsiyaviy xavf-xatarlar xaritasini ishlab chiqish;

bosh boshqarma tizimining korrupsiyaga qarshi kurashish bo‘yicha dastur loyahasini ishlab chiqish;

bosh boshqarma tuzilmasiga kiruvchi tashkilotlar va uning tuman (shahar) bo‘linmalari tomonidan ishlab chiqilgan korrupsiyaviy xavf-xatarlar xaritasi va korrupsiyaga qarshi kurashish bo‘yicha dastur loyihalarini ko‘rib chiqish va ularni takomillashtirish yuzasidan takliflar berish;

9. Bosh boshqarma tuzilmasiga kiruvchi tashkilotlar va uning tuman (shahar) bo‘linmalaridagi Komplaens nazorat bosh mutaxassisi (ishchi guruh) quyidagi vazifalarni amalga oshiradi:

korrupsiyaviy xavf-xatarlarni aniqlash va baholash ishlarini tashkil etish;

korrupsiyaviy xavf-xatarlar xaritasini va korrupsiyaga qarshi kurashish bo‘yicha dastur loyihalarini ishlab chiqish.

### **3-bob. Korrupsiyaviy xavf-xatarlarni aniqlash va baholash tartibi**

10. Korrupsiyaga qarshi kurashish bo‘limi (ishchi guruh) tomonidan bosh boshqarma tizimi faoliyatining (vazifa va funksiyalarining) tavsifi ushbu Uslubiyotning 1-ilovasiga muvofiq shaklda tuziladi.

11. Bosh boshqarma tizimi faoliyatidagi (vazifa va funksiyalardagi) korrupsiyaviy xavf-xatarlar ichki va tashqi axborot manbalari asosida aniqlanadi.

12. Ichki axborot manbalari quyidagilardan iborat:

Bosh boshqarma tizimi faoliyatining (vazifa va funksiyalarining) huquqiy asosi;  
ichki tekshiruv materiallari, shu jumladan xizmat tekshiruv materiallari;  
odob-axloq komissiyasi majlislarining yig'ilish bayonnomalari;  
korrupsiyaga qarshi kurashish ishlarining monitoring natijalari.

Komplaens nazorat bosh mutaxassisi (ishchi guruh) tomonidan bosh boshqarma tizimi faoliyati (vazifa va funksiyalari) yuzasidan o'tkazilgan so'rovnomalar, shu jumladan sotsiologik tadqiqotlar natijalari va boshqalar.

13. Tashqi axborot manbalari quyidagilardan iborat:

Bosh boshqarma tizimi faoliyati to'g'risidagi huquqbuzarliklar to'g'risidagi murojaatlar (xabarlar) va statistik ma'lumotlar;

Agentlik yoki boshqa davlat tashkilotlari tomonidan davlat tashkiloti faoliyati (vazifa va funksiyalari) yuzasidan o'tkazilgan so'rovnomalar, shu jumladan sotsiologik tadqiqotlar natijalari;

huquqni muxofaza qiluvchi organlar tomonidan taqdim etilgan materiallar va boshqalar.

14. Komplaens nazorat bosh mutaxassisi (ishchi guruh) bosh boshqarma tizimi faoliyatidagi (vazifa va funksiyalaridagi) korrupsiyaviy xavf-xatarlarni aniqlashda quyidagi holatlar tahlil qilinishi lozim:

bosh boshqarma tizimi xodimi tomonidan sodir etilgan korrupsiyaga oid huquqbuzarlik;

bosh boshqarma tizimi tomonidan faoliyatini (vazifa va funksiyalarini) amalga oshirishda jismoniy va yuridik shaxslar uchun sun'iy to'siqlarning mavjudligi;

o'z vaqtida qaror qabul qilmaslik, asossiz tezkor tartibda qaror qabul qilish;

hujjatlar, elektron ma'lumotlar bazalariga bila turib yolg'on ma'lumotlarning kiritilishi;

xizmat vakolatlarini amalga oshirishda manfaatlar to'qnashuvi;

vakolatlarni amalga oshirishda mahalliychilik, homiylik, urug'-aymoqchilik kabi holatlarning mavjudligi.

15. Davlat tashkiloti faoliyatidagi (vazifa va funksiyalaridagi) korrupsiyaviy xavf-xatarlarning darajasi quyidagi o'lchovlarda baholanadi:

past;

o'rta;

yuqori.

16. Komplaens nazorat bosh mutaxassisi (ishchi guruh) tomonidan korrupsiyaviy xavf-xatar darajasiga baho berish mazkur Uslubiyotning 2-ilovasidagi mezonlar asosida amalga oshiriladi.

#### **4-bob. Korrupsiyaviy xavf-xatarlarning darajasini bartaraf etish choralari**

17. Korrupsiyaviy xavf-xatarlarni bartaraf etish choralari quyidagi shakllarda amalga oshirilishi mumkin:

normativ-huquqiy hujjatlar hamda ichki idoraviy hujjatlar loyihalarini ishlab chiqish;

inson omilini qisqartirish va davlat tashkiloti faoliyatini (vazifa va funksiyalarini) raqamlashtirish, shaffoflikni ta'minlash, jamoatchilik nazoratini yo'lga qo'yish;

bosh boshqarma tizimi faoliyatini (vazifa va funksiyalarini) tartibga solish choralari ko'rish;

bosh boshqarma tizimi xodimlari va jismoniy shaxslar o'rtasida to'gridan-to'gri aloqani maksimal darajada cheklash;

rasmiy veb-sayt va boshqa ommaviy axborot vositalarida bosh boshqarma tizimi tomonidan amalga oshirilayotgan davlat haridlari to'g'risidagi ma'lumotlarni joylashtirish va tarqatish;

davlat xizmatlarini ko'rsatish jarayonini soddalashtirish, asossiz cheklovlarni, ortiqcha ma'muriy tartib-taomillarni bekor qilish, byurokratik tartibga solish mexanizmlarini yo'q qilish, taqdim etilgan hujjatlar soni va qaror qabul qilish muddatlarini qisqartirish;

bosh boshqarma tizimi tomonidan korrupsiyaga qarshi kurashishga qaratilgan tushuntirish ishlarini amalga oshirish, profilaktik suhbatlar o'tkazish, ishonch telefonlari va aloqa kanallarida targ'ibot ishlarini amalga oshirish;

xodimlarning korrupsiyaga qarshi kurashish va manfaatlar to'qnashuvini boshqarish bo'yicha ichki hujjatlarga har kuni, o'zaro va to'liq rioya qilishlarini nazorat qilish;

Bosh boshqarma tizimi korrupsiyaviy xavf-xatarlarni bartaraf etish bo'yicha qonunchilik hujjatlariga zid bo'lmagan boshqa chora-tadbirlarni ham amalga oshirishi mumkin.

18. Korrupsiyaviy xavf-xatarlarni bartaraf etish bo'yicha mazkur Uslubiyotning 16-bandida belgilangan choralardan kelib chiqib, qoldiq xavf-xatar darajasini baholash mazkur Uslubiyotning 2- ilovasidagi mezonlar asosida amalga oshiriladi.

19. Bosh boshqarma apparatining Komplaens nazorat bosh mutaxassisi (ishchi guruhi) tomonidan mazkur Uslubiyotning 3-ilovasiga muvofiq shaklda apparatning korrupsiyaviy xavf- xatarlar xaritasi loyihasi ishlab chiqiladi.

20. Bosh boshqarma tizimiga kiruvchi tashkilotlar va uning tuman (shahar) bo'limlari tomonidan ushbu Uslubiyotning 3-ilovasiga muvofiq shaklda korrupsiyaviy xavf-xatarlar xarita loyihalari va mazkur Uslubiyotning 4-ilovasiga muvofiq shaklda korrupsiyaga qarshi kurashish bo'yicha dastur loyihalari ishlab chiqiladi.

Bunda, mazkur loyihalar bosh boshqarma apparatining Komplaens nazorat bosh mutaxassisiga (ishchi guruhiga) umumlashtirish uchun taqdim qilinadi.

21. Bosh boshqarma apparatining Komplaens nazorat bosh mutaxassisi (ishchi guruhi) tomonidan bosh boshqarma tizimi faoliyatidagi (vazifa va funksiyalaridagi) korrupsiyaviy xavf-xatarlarni aniqlash va baholash natijalari asosida bosh boshqarma tizimining umumlashtirilgan korrupsiyaviy xavf-xatarlar xaritasi ishlab chiqiladi va "E-Anticor.uz" elektron platformasiga har yili 1-fevralga qadar kiritiladi.

22. Bosh boshqarma apparatining Komplaens nazorat bosh mutaxassisi (ishchi guruhi) tomonidan «E-anticor.uz» elektron platformasida joylashtirilgan korrupsiyaviy xavf-xatarlar xaritasiga asosan avtomatik ravishda quyidagi hujjatlar shakllantiriladi:

davlat tashkilotining korrupsiyaga qarshi kurashish bo'yicha dasturi;

davlat tashkilotining korrupsiyaviy xavf-xatari yuqori bo'lgan lavozimlari ro'yxati.

## **5-bob. Korrupsiyaga moyil bo'lgan munosabatlar elektron reyestrini shakllantirish va yuritish tartibi**

23. Bosh boshqarma apparatining Komplaens nazorat bosh mutaxassisi (ishchi guruhi) Agentlik va jamoatchilik tomonidan berilgan takliflar asosida davlat tashkilotining korrupsiyaviy xavf- xatarlar xaritasi hamda korrupsiyaga qarshi kurashish bo'yicha dasturi loyihalarini takomillashtiradi.

24. Vazir har yili 1-martga qadar korrupsiyaviy xavf-xatarlar xaritasi hamda korrupsiyaga qarshi kurashish bo'yicha dasturini "E-anticor.uz" elektron platformasi orqali tasdiqlaydi.

### **6-bob. Yakuniy qoidalar**

25 Mazkur Uslubiyot talablari buzilishida aybdor bo'lgan shaxslar qonunchilik hujjatlarida belgilangan tartibda javobgar bo'ladi.

**Bosh boshqarma tizimi faoliyatining (vazifa va funksiyalarining)  
TAVSIFI**

T/r	Funksiya nomlanishi	Funksiya doirasida bajariladigan jarayon	Jarayonlarni amalga oshirish uchun javobgar shaxslar (uning F.I.Sh. hamda lavozimi)
1. Bosh boshqarma tizimi tashkilot nomi			
1.1. Bosh boshqarma tizimi tashkilotining tarkibiy bo'linmasi			
1.1.1.			



Farg‘ona viloyati Kambag‘allikni  
qisqartirish va bandlik bosh boshqarmasining  
2024- yil “7 ” may A-139- son buyrug‘iga  
2-ilova

**Bosh boshqarma tizimi faoliyatida Korrupsiyaviy xavf-xatar darajasiga baho  
berish bo‘yicha mezonlar**

<b>Korrupsiyaviy xavf- xatar darajasi</b>	<b>Mezonlar</b>
<b>Yuqori</b>	davlat tashkilotining faoliyati (vazifa va funksiyasi) avtomatlashtirilmagan
	davlat tashkilotining faoliyati (vazifa va funksiyasi) tartibga solinmagan
	nazoratsiz tartibda ish joyida jismoniy yoki yuridik shaxslar bilan to‘g‘ridan-to‘g‘ri aloqa qilish imkoniyati mavjud
	davlat tashkilotining faoliyati (vazifa va funktsiya) doirasida qarorni loyahasini tayyorlashda, ko‘rib chiqishda va qabul qilishda bir shaxs ishtirok etishi
	davlat tashkilotining faoliyatini (vazifa va funktsiyani) bajarishda korrupsiyaviy xatti-harakat sodir etilgan (jinoyat sodir etilganligi sud tomonidan tasdiqlangan)
<b>O‘rta</b>	davlat tashkilotining faoliyati (vazifa va funksiyasi) qisman avtomatlashtirilgan
	davlat tashkilotining faoliyati (vazifa va funksiyasi) qisman tartibga solingan
	nazorat tartibida ish joyida jismoniy yoki yuridik shaxslar bilan to‘g‘ridan-to‘g‘ri aloqa qilish imkoniyati mavjud
	davlat tashkilotining faoliyatini (vazifa va funktsiyani) doirasida qarorni loyahasini tayyorlashda, ko‘rib chiqishda va qabul qilishda ikkita shaxs ishtirok etishi
	davlat tashkilotining faoliyati (vazifa va funksiyasi) bajarishda korrupsiyaviy xatti-xarakat sodir etilganligi to‘g‘risidagi ma‘lumot mavjud (jinoyat sodir etilganligi sud tomonidan tasdiqlanmagan)
<b>Past</b>	davlat tashkilotining faoliyati (vazifa va funksiyasi) to‘liq avtomatlashtirilgan
	davlat tashkilotining faoliyati (vazifa va funksiyasi) to‘liq tartibga solingan
	jismoniy yoki yuridik shaxslar bilan to‘g‘ridan-to‘g‘ri aloqa qilish imkoniyati mavjud emas

	davlat tashkilotining faoliyati (vazifa va funksiyasi) doirasida qarorni loyihasini tayyorlashda, ko‘rib chiqishda va qabul qilishda uch va undan ortiq shaxs ishtirok etishi
	korrupsiyaviy xatti-harakat va korrupsiyaviy xatti-harakat sodir etilganligi to‘g‘risidagi ma’lumot mavjud emas

\*«Komplayens nazorat» bo‘limi (ishchi guruhi) tomonidan bosh boshqarma tizimi faoliyatida (vazifa va funksiyasida) aniqlangan xavf-xatarning yuqori yoki o‘ta darajada deb baholash vazir bilan kelishilgan holda amalga oshiriladi.

\*\* Bosh boshqarma tizimi faoliyatida (vazifa va fuksiyasida) aniqlangan korrupsiyaviy xavf-xatar darajasini baholashda, agarda past darajadagi mezonlarning biri mavjud bo‘lsa, osha korrupsiyaviy xavf-xatar darajasi past darajada deb baholanadi.

Farg'ona viloyati Kambag'allikni qisqartirish va  
bandlik bosh boshqarmasining  
2024- yil "7" may A-139- son buyrug'iga  
3-ilova

**"TASDIQLAYMAN"**

Davlat tashkilotining rahbari

\_\_\_\_\_ F.I.Sh.

«\_\_\_\_\_» \_\_\_\_\_ yil

\_\_\_\_\_ ni faoliyatidagi korrupsiyaviy xavf-xatarlarning  
**XARITASI**

T/R	Korrupsiyaviy xavf-xatarning tavsifi	Korrupsiyaviy xavf-xatarning darajasi	Funksiyalarni (jarayonlarni) amalga oshirishga mas'ul bo'lgan lavozim	Korrupsiyaviy xavf-xatarlarni bartaraf etish choralari	Qoldiq korrupsiyaviy xavf-xatar darajasi (past, o'rta, yuqori)	Mas'ul ijrochilar
	1.Tarkibiy bo'linmaning nomi					
1.	1.Bosh boshqarma tizimi tashkilotining funksiyasi nomi					
	1.Funksiyaga oid munosabat nomi					
	1.Jarayon nomi					
	2.Jarayon nomi					
	2.Tarkibiy bo'linmaning nomi					
2.	1.Bosh boshqarma tizimi tashkilotining funksiyasi nomi					
	1.Funksiyaga oid munosabat nomi					
	1.Jarayon nomi					
	2.Jarayon nomi					

Fargʻona viloyati Kambagʻallikni qisqartirish va  
bandlik bosh boshqarmasining  
2024- yil “7 ” may A-139- son buyrugʻiga  
4-ilova

## Bosh boshqarma tizimida korrupsiyaga qarshi kurashish

### DASTURI

T/R	Korrupsiyaviy xavf-xatarlarni bartaraf etish chora-tadbirlari	Amalga oshirish mexanizmi	Ijro muddati	Ijro uchun mas'ullar

T/r	Nomzodning FISH	Bo'sh lavozim nomi	Apparatdagi yoki hududiy va tarkibiy bo'linma nomi	Tekshiruvchi ijrochisi, FISH	Nomzodni tekshirish bo'yicha hisobot sanasi va raqami	Tekshiruv natijasi (musbat / manfiy / aniqlangan xatarlar)	Tekshiruv natijasini asoslovchi qisqa izohlar
1	2	3	4	5	6	7	8
1							
2							